

Greinargerð fjármálaráðs um yfirumsjón fjármála Pírata

Frá fjármálaráði Pírata.

Þann 20. janúar 2021 hét fjármálaráð félagsfund þar sem meðal annarra voru viðstaddir nefndarmenn framkvæmdastjórnar Pírata. Á fundinum náðist sátt á milli nefndanna tveggja varðandi túlkun laga Pírata og landslaga sem snúa að því hjá hverjum yfirumsjón fjármála félagsins liggur.

Framkvæmdastjórn fer með yfirumsjón fjármála og ber því fulla og óskipta ábyrgð á fjárhagslegri stöðu félagsins, undirritar ársreikninga og er í forsvari fyrir félagið gagnvart Fjármálaeftirlitinu.

Fjármálaráð gerir fjárhagsáætlun fyrir hvert ár með það að markmiði að framkvæmdastjórn og framkvæmdastjóri geri sitt ýtrasta til að halda sig innan hennar. Fjármálaráð setur verklagsreglur um fjármálaumsjón félagsins og aðildarfélaga þess. Reglunum ber öllum viðkomandi aðilum að fylgja en þær geta þó ekki farið út fyrir valdsvið nefndarinnar né stangast á við landslög. Þó svo framkvæmdastjórn fari með yfirumsjón fjármála félagsins kveður grein 12.5 í lögum Pírata um að einungis fjármálaráð getur samþykkt lántökur sem binda félagið.

Fjármálaráð felst á að taka þeirri málamiðlunartillögu sem gjaldkeri framkvæmdastjórnar kynnti henni á 6. fundi fjármálaráðs þann 18. nóvember 2020. Í henni felst að sett verði upp hliðstætt afrit af bókhaldi félagsins sem fjármálaráð hafi SQL-aðgang að. Það kæmi síðan í hlut gjaldkera framkvæmdastjórnar eða framkvæmdastjóra að afmá persónuupplýsingar úr því.

Hér með telst greinargerð fjármálaráðs um fullan og óheftan aðgangi að bókhaldi, dagsett 1. desember 2020, dauð og ómerk.

Píratar, 1. febrúar 2021.

Albert Svan Sigurðsson.

Stefán Örvar Sigmundsson (ritari).

Valborg Sturludóttir (formaður).